

Na osnovu člana 56. stav 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i člana 9. stav 9. Zakona o šumama („Službene novine Zeničko – dobojskog kantona“, broj: 8/13) ministar Ministarstva za poljoprivredu, šumarstvo i vodoprivredu Zeničko-dobojskog kantona, donosi:

P R A V I L N I K

o načinu odabiranja, doznaci i sječi stabala ili površina za sječū

Član 1.

Ovim pravilnikom reguliše se odabiranje, doznaka i sječa stabala ili površina za sječū u šumama na području Zeničko – dobojskog kantona. Odabiranje, obilježavanje i sječa stabala ili površina za sječū vrši se u cilju gazdovanja šumama i šumskim zemljištima u skladu sa smjernicama postavljenim šumskogospodarskom osnovom i općim interesom u cilju poboljšanja ekoloških, ekonomskih i socijalnih funkcija šume.

Član 2.

Odabiranje, doznaka (obilježavanje) i sječa stabala ili površina za sječū može se vršiti samo na površinama gdje su riješeni imovinsko – pravni odnosi.

Član 3.

Odabiranje i doznaka stabala ili površina za sječū vrši se u skladu sa tehničkim ciljem gospodarenja, propisanim za konkretnu gazdinsku klasu šumskogospodarskom osnovom, i konkretnim sastojinskim prilikama.

Član 4.

Nije dopuštena sječa bez prethodno izvršenog odabiranja i obilježavanja stabala ili površina za sječū i izrade i donošenja projekta za izvođenje u skladu sa Zakonom o šumama.

Član 5.

Doznaka stabala u šumi podrazumijeva: 1. Obilježavanje odabranih stabala za sječū zatesom na žilištu ili na jednoj od debljih žila sa donje strane i zatesom na prsnoj visini sa gornje strane; 2. Obrojčavanje (redni broj) obilježenog stabla na žilištu; 3. Premjerba prsnih prečnika, određivanje uzgojnotehničke i tehničke klase odabranih i obilježenih stabala te upisivanje podataka u doznačnu knjigu; 4. Stavljanje otiska šumskog, doznačnog čekića na oba zatesa uz upotrebu boje (farbe) koja je različita od boje premjerbe. 5. Boja doznake mijenja se početkom svake kalendarske godine. U knjigu doznake evidentiraju se doznačena stabla samo jednog odjela, izuzev doznake sanitarnih užitaka. Knjige doznake moraju biti obrojčene i upisane u registar.

Član 6.

Obilježavanje površina za čistu sječū u izdanačkim šumama, plantažama, makijama, šikarama i šibljacima vrši se na graničnim stablima u vidu jednostrukih prstenova, širine 4 cm, izvučenih bojom slobodnom rukom na prsnoj visini (1,30 m). Granična, obilježena stabla, moraju se dogledati i ne smiju se posjeći.

Član 7.

Prilikom njege mladih sastojina, prirodnog ili vještačkog porijekla, stabla za sječicu od 7-15 cm će se premjeravati i obilježavati tačkasto, bojom na prsnoj visini i žilištu a deblja stabla u skladu sa članom 5. ovog pravilnika.

Član 8.

Sječica stabala vrši se, po pravilu, uz brdo, osim ako to projektom za izvođenje nije drugačije određeno. Izuzetno se obaranje stabala može vršiti na stranu ili niz brdo ako se na taj način: 1. Izbjegava opasnost za život uposlenika; 2. Obezbjeduje bolja zaštita sastojine; 3. Obezbjeduje oboreno stablo od oštećenja;

Član 9.

Visina panja može biti najviše 1/3 prečnika panja, mjereći sa gornje strane.

Član 10.

Nakon sječice, pristupa se izradi drvnih sortimenata, pri čemu se daje prednost izradi vrednijih sortimenata. Kod krojenja i izrade drvnih sortimenata, mora se pridržavati standarda kvaliteta i dimenzija određenih za drvene sortimente.

Član 11.

Ovaj pravilnik stupa na snagu narednog dana od dana objavljivanja u „Službenim novinama Zeničko – dobojskog kantona“.

Broj: 05-26-23928 /13

Datum: 13.11.2013.godine, Zenica (Bojan Bošnjak, s.r. – ministar).

**MINISTARSTVO POLJOPRIVREDE, VODOPRIVREDE I ŠUMARSTVA ZENIČKO
– DOBOJSKOG KANTONA**

(Službene novine Zeničko – dobojskog kantona br. 467)